

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第一九九冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB58/06

四庫全書存目叢書·子部一九九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53.75 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一九九冊目次

子部·類書類

左氏春秋內外傳類選八卷

〔明〕樊王家輯
中山大學圖書館藏明萬曆三十六年刻本

一

奇姓通十四卷

〔明〕夏樹芳輯
南京圖書館藏明天啓四年夏氏宛委堂刻本

二二四

異物彙苑十八卷

〔明〕閔文振輯
北京圖書館藏明萬曆活字本

五四三

皇明廣蒙求三十七卷(一)

〔明〕姚光祚輯
北京大學圖書館藏明刻本

六五四

左氏春秋內外傳類選八卷

〔明〕樊王家輯

中山大學圖書館藏明萬曆三十六年刻本

附《四庫全書總目·春秋內外

傳類選八卷》提要

鐫左氏春秋內外傳類選序

左氏彰纓藝文尚矣內傳翼經而班附錄外傳補語而遷變辭二書庸詎簪筆名家為國策史漢鼻祖其文章自六經外冠絕古今非諸子望顏頤也後世學

左氏類選序

樊家駒刊

文不元本左氏不文已余蚤歲願學往逞逡巡事類之躋駁詭言易慮意惘如也毋乃洪鐘之叩為說鈴乎間嘗竊取類門以俟知者歲丙午調令甬海甬海士好工古文辭而闡闢左國斯

可以語烝髦士商訂之為類凡二十有三分卷凡八命之左氏內外傳類選云夫史家繇尚書紀傳宣聖編年此史經也紀傳議論編年敘事此史法也左氏無諸內傳主於編年外傳主於

左氏類選序

二

紀傳此左體也編年敘事而議論生紀傳議論而敘事核此左用也是鐫主於學文次類而不以年併類而不以國然類於一國有篇次而編年固在也類於二傳合國次而紀傳自存也其

選類也則視其事為何類之從而別之其分國也則視其辭為何國之人而隸之首王朝而次列服殊尊卑也先諸姬而後異姓明親疏也二傳或一篇而異辭則不嫌於分類或同事而互

左氏類選序

三

見則不憚於複收大要取以辭勝事勝次之故刪其推魯掇其菁英時倣臆見節比而更定焉無字句不出左氏亦無斤斤株守左氏蘄於文章經世用垂不朽是類選所繇輯乎於是二三

弟子請鐫以公四方同志誘進
學文庶有鳩哉敢曰簪筆嚆矢
耶其注疏則折衷諸大家旁標
便覽若夫評隲章句已有行於
世者

萬曆歲戊申夏六月吉楚潛樊

左氏類選序

四

王家書於廣瑞軒



左氏春秋內外傳類選總目錄

卷之一

君道類
臣道類

卷之二

政治類

卷之三

人才類
禮節類
刑讞類

卷之四

左氏類選目錄

一

劉孝

軍旅類

卷之五

財賦類
祭祀類

卷之六

閨壺類
胤族類
教學類

卷之七

身體類
飲食類
衣服類
宮室類

器用類
詩樂類
隱語附

卷之八

夢卜類

喪葬類

天道類

地利類

鳥獸類

左氏類選目錄

二

卷之一

君道類

周 周桓公料鄭伯

襄王賞晉文功

襄王不許晉文請隧

魯 里革論晉君弑故

榮樂諫伐季氏

晉 郭偃論君難易

士會諫殺宰夫

伯宗諫救宋

范文子不欲伐鄭

師曠論衛出君

陽畢議逐樂盈

左氏類選卷一目錄

君道

二

列傳

叔向請逆楚公子

蔡墨論魯事

齊 晏嬰諫納晉樂盈

楚 椒舉諫示侈

白公子張驛諫

邾 文公遷繹

左氏春秋內外傳類選卷之一

李玉華

明進士楚潛樊王家選註爾海後學王世仁校

君道

邵輔明

周

周桓公料鄭伯內傳隱公六年

鄭伯如周始朝桓王也王不禮焉周桓公言於

左氏類選卷一

二

王曰我周之東遷晉鄭馬依善鄭以勸來者猶

懼不蕲况不禮焉鄭不來矣

襄王賞晉文功內傳僖公十五年

晉侯辭秦師而下三月甲辰次于陽樊右師圍

溫左師逆王夏四月丁巳王入于王城取大叔

于溫殺之于隰城戊午晉侯朝王王饗醴命之

宥請隧弗許曰王章也未有代德而有二王亦

叔父之所惡也與之陽樊溫原欒茅之田晉於

是始啓南陽陽樊不服晉之倉葛呼曰德以

中國刑以威四夷宜吾不敢服也此誰非王之

親姻其俘之也乃出其民

襄王不許晉文請隧外傳周語

晉文公定襄王于郊王勞之以地辭請隧焉王

弗許曰昔我先王之有天下也規方千里以爲

甸服以供上帝山川百神之祀以備百姓兆民

之用以待不庭不虞之患其餘以均分公侯伯

左氏類選卷一

三

子男使各有寧宇以順及天地無違其災害先

王豈有賴焉無所利也內官不過九御外官不過九品足

以供給神祇而已豈敢厭縱其耳目心腹以亂

百度亦唯是死生之服物采章以臨長百姓而

輕重布之王何異之有今天降禍災於周室余

一人僅亦守府又不佞以勤叔父而班先王之

大物以賞私德其叔父實應且憎以非余一人

余一人豈敢有愛也先民有言曰改玉改行叔

父若能光裕大德，更姓改物，以創制天下，自顯庸也。而縮取備物，以鎮撫百姓，余一人其流辟音僻於裔土，何辭之與有？若由是姬姓也，尚將列爲公侯，以復先王之職，大物其未可改也。叔父其茂昭明德，物將自至。余敢以私勞變前之大章，以忝天下。其若先王與百姓何？何政令之爲也？若不然，叔父有地而隧焉，余安能知之？文公遂不敢請受地而還。

左氏類選卷一

君道

四

魯

里革論晉君弑故 外傳晉語

晉人殺厲公，邊人以告。成公在朝，公曰：「臣殺其君，誰之過也？」大夫莫對。里革曰：「君之過也。夫君入者，其威大矣，失威而至于殺，其過多矣。且夫君也者，將牧民而正其邪者也。若君縱私而而棄民事，民旁有惡，無有省之，益邪多矣。若以邪臨民，陷而不振，用善不肯專，則不能使至于殄。」

滅而莫之恤也。將安用之？桀奔南巢，紂踣於京音京，厲汙於羗，幽滅於戲，皆是術也。夫君也者，民之音濟行而從之，美惡皆君之由，民何能爲焉？

榮樂諫伐季氏 外傳魯語

襄公如楚，反及方城，聞季武子襲卞，欲還出楚師以伐魯。榮成伯諫曰：「不可。君之於臣，其威大矣，不能令於國而恃諸侯，諸侯其誰聽之？若得楚師以伐魯，魯既不違夙之取卞也，必用命焉。」

左氏類選卷一

君道

五

劉越

守必固矣。若楚之克魯，諸姬不獲闕焉，而况君乎？彼無亦置其同類以服東夷，而大攘諸夏，將天下是王，而何德於君？其予君也。若不克，魯君以蠻夷伐之，而又求入焉，必不獲矣。不如予之，夙之事君也，不敢不悛醉而怒醒而喜，庸何傷？君其入也，乃歸。

晉

郭偃論君難 外傳晉語

文公問於郭偃曰始也吾以國為易今也難對曰君以為易其難也將至矣君以為難其易也將至矣

士會諫殺宰夫

靈公不君厚斂以彫牆從臺上殫人而觀其辟靈公不君厚斂以彫牆從臺上殫人而觀其辟九也宰夫鬴熊蹯不孰殺之實諸餼使婦人載以過朝趙盾士季見其手問其故而患之將諫士季曰諫而不入則莫之繼也會請先不入則

左氏類選卷一

六

子繼之三進及溜而後視之曰吾知所過矣將改之稽首而對曰人誰無過過而能改善莫大焉詩曰靡不有初鮮克有終夫如是則能補過者鮮矣君能有終則社稷之固也豈惟羣臣賴之又曰衮職有闕惟仲山甫補之能補過也君能補過衮不廢矣猶不改

伯宗諫救宋

宋人使樂嬰齊告急于晉晉侯欲救

之伯宗曰不可古人有言曰雖鞭之長不及馬腹度時制宜也天方授楚未可與爭雖晉之疆能違天乎諺曰高下在心度時制宜也川澤納汙山藪藏疾瑾瑜匿瑕國君含垢天之遺也君其待之乃止使解揚如宋使無降楚曰晉師悉起將至矣

范文子不欲伐鄭

厲公將伐鄭范文子不欲曰若以吾意諸侯皆畔則晉可為也唯有諸侯故擾擾焉凡諸侯難

左氏類選卷一

七

之本也得鄭憂滋長安用鄭卻至曰然則王者多憂乎文子曰我王者也乎哉夫王者成其德而遠人以其方賄歸之故無憂今我寡德而求王者之功故多憂子見無土而欲富者樂乎哉

師曠論衛人出君

師曠侍於晉侯晉侯曰衛人出其君不亦甚乎對曰或者其君實甚良君將賞善而刑淫養民如子蓋之如天容之如地民奉其君愛之如父

母仰之如日月敬之如神明畏之如雷霆其可出乎夫君神之主而民之望也若困民之主匱神之祀百姓絕望社稷無主將安用之弗去何為天生民而立之君使司牧之勿使失性有君而為之貳使師保之勿使過度是故天子有公諸侯有卿卿置側室大夫有貳宗士有朋友庶人工商皂隸牧圉皆有親暱以相輔佐也善則賞之過則匡之患則救之失則革之自王以下

左氏類選卷一

君道

八

劉本

各有父兄子弟以補察其政史為書瞽為詩工誦箴諫大夫規誨士傳言庶人謗商旅于市百工獻藝故夏書曰道人以木鐸徇于路官司相規工執藝事以諫正月孟春於是乎有之諫失常也天之愛民甚矣豈其使一人肆於民上以從其淫而棄天地之性必不然矣

陽畢議逐樂盈外傳奇語

晉平公謂陽畢曰自穆侯以平公六年今亂兵不輟

民志無厭禍敗無已離民且速寇恐及吾身若之何陽畢對曰本根猶樹枝葉益長本根益茂是以難已也今若大其柯去其枝葉絕其本根可以少聞公曰子實圖之陽畢曰圖在明訓明訓在威權威權在君君掄賢人之後有常位於國者而立之亦掄逞志虧君以亂國者之後而去之是遂威而遠權民畏其威而懷其德莫能勿從若從則民心皆可畜畜其心而知其欲惡

左氏類選卷一

君道

九

劉本

民孰偷生若不偷生則莫思亂矣夫正國者不可以暱於權行權不可以隱於私暱於權則民不道行權隱於私則政不行政不行何以道民民之不道亦無君矣則其為暱與隱也復產害矣且勤君身君其圖之

叔向請逆楚公子內傳昭公六年

韓宣子之適楚也楚人弗逆公子棄疾及晉境

晉侯將亦弗逆叔向曰楚辟我衷若何效辟詩

曰爾之教矣民登效矣從我而已焉用效人之辟書曰聖作則無寧以善人為則而則人之辟乎匹夫為善民猶則之況國君乎晉侯說乃逆之

蔡墨論魯事 內傳昭公三十二年

趙簡子問於史墨曰季氏出其君而民服焉諸侯與之君死於外而莫之或罪也對曰物生有兩有三有五有陪貳故天有三辰地有五行體

左氏類選卷一

十

列寧

有左右各有妃耦王有公諸侯有卿皆有貳也天生季氏以貳魯侯為日久矣民之服焉不亦宜乎魯君世從其失季氏世修其勤民忘君矣雖死於外其誰矜之社稷無常奉君臣無常位自古以然故詩曰高岸為谷深谷為陵三后之姓於今為庶主所知也在易卦雷乘乾曰大壯天之道也

齊

晏嬰諫納晉欒盈 內傳襄公二十二年

晉欒盈出奔楚自楚適齊晏平仲言於齊侯曰商任之會受命於晉今納欒氏將安用之小所以事大信也失信不立君其圖之弗聽退告陳文子曰君人執信臣人執共忠信篤敬上下同之天之道也君自棄也弗能久矣

楚

椒舉諫示侈 內傳昭公四年首段摘刪

左氏類選卷一

十

齊

楚子合諸侯于申示諸侯侈椒舉曰夫六王二公之事皆所以示諸侯禮也諸侯所由用命也夏桀為仍之會有緡叛之商紂為黎之蒐東夷叛之周幽為犬室之盟戎狄叛之皆所以示諸侯汰也諸侯所由棄命也今君以汰無乃不濟乎王弗聽子產見左師曰吾不患楚矣汰而復諫不過十年左師曰然不十年侈其惡不遠遠惡而後棄善亦如之德遠而後興

白公子張諫外使楚語

靈王虐。白公子張諫王患之。謂史老曰。吾欲已子張之諫。若何。對曰。用之實難。已之易矣。若諫君則曰。余左執鬼中右執殤宮。凡百箴諫。吾盡聞之矣。寧聞它言。白公又諫。王如史老之言。對曰。昔殷武丁能聳其德。至于神明。其聖之獻廣也。其知之不疚也。猶自謂未又。故三年默以思道。既得道。猶不敢專制。使以象旁求聖人。既

左氏類選卷一

靈

王

得以爲輔。又恐其荒失遺忘。故使朝夕規誨。箴諫曰。必交修余。無余棄也。今君或者未及武丁。而惡規諫者。不亦難乎。齊桓晉文皆非嗣也。還軫諸侯以得有國。近臣諫遠臣謗。與人誦。以自誥也。是以其入也。四封不備一同。而至於有讖田。以屬諸侯。至于今爲令君。君不度憂於二令君。而欲自逸也。無乃不可乎。周詩有之曰。弗躬弗親。庶民弗信。臣懼民之不信君也。故不敢不

言不然。何急以其言取辜也。王病之。曰。子復語不殺。雖不能用。吾怒實之於耳。對曰。賴君之用也。故言不然。巴浦之犀。犛象其可盡乎。其又以規爲瑱也。

邾

文公遷繹內傳文公十三年

邾文公卜遷於繹。史曰。利於民而不利於君。邾子曰。苟利於民。孤之利也。天生民而樹之君。以

左氏類選卷一

靈

王

利之也。民既利矣。孤必與焉。左右曰。命可長也。君何弗爲。邾子曰。命在養民。死之短長。時也。民苟利矣。遷也。吉莫如之。遂遷於繹。邾文公卒。君子曰。知命。

臣道

周 召公立宣王

管仲辭襄王饗禮

劉康公料晉卿休咎

景王責晉以戎伐潁

魯 聲伯不受晉邑

叔孫豹論三不朽

孟僖子使子學禮

齊侯下拜受胙

內史過料晉惠

靈王賜齊靈命

厚瘠臧紇料衛獻

穆叔料鄭伯有

子路辭盟小邾

晉 欒共子死節

呂甥計復惠公

介之推不言祿

趙宣子論伐宋

卻至待死

知瑩不知所報

叔向稱司馬侯

史黯匡趙簡子

陰飴甥復惠公於秦

里鳧胥見文公

先軫死敵

董狐直筆

解揚不辱命

辛俞從欒盈

張柳朔死節

左氏類選卷一

臣道

古

金

衛 甯武子盟於宛濮
太叔儀料甯喜

靈公辭賓

鄭 子產對晉問駟乞

大叔勸晉勤王

宋 向戌辭晉賜偪陽

敬仲辭卿

陳文子料崔杼

晏子論和同

楚 楚使反詰齊師

聞克黃不棄君命

共王不錮巫臣

申無宇執亡閭

左氏類選卷一

臣道

古

金

閻辛勸弟存君

申包胥乞秦師

越 范蠡輕舟五湖

翟 風沙釐從鼓子

邾 黑肱以濫來奔

臣道

周

召公立宣王外傳周語

疑之亂。宣王在召公之宮。國人圍之。召公曰。昔
吾驟諫王。王不從。以及此。難。今殺王子。王其以
我為懟而怒乎。夫事君者。險而不懟。怨而不怒。
況事王乎。乃以其子代宣王。宣王長而立之。

齊侯下拜受胙外傳齊語

左氏類選卷一

臣道

去

古文

蔡丘之會。天子使宰孔致胙於桓公曰。余一人
之命。有事於文武。使孔致胙。且有後命曰。以爾
自卑勞。實謂爾伯舅無下拜。桓公召管子而謀。
管子對曰。為君不君。為臣不臣。亂之本也。桓公
懼。出見客曰。天威不遠。顏咫尺。小白余敢承天
子之命曰。爾無下拜。恐墮越於下。以為天子羞。
遂下拜。升受命賞。

管仲辭襄王饗禮內傳僖公十二年

齊侯使管夷吾平戎於王。王以上卿之禮享管
仲。管仲辭曰。臣賤有司也。有天子之二守國高
在。若節春秋來承王命。何以禮焉。陪臣敢辭。受
下卿之禮而還。

內史過料晉惠外傳周語

襄王使召公過。及內史過。賜晉惠公命。呂甥卻
芮相。晉侯不敬。晉侯執玉卑。拜不稽首。內史過
歸。以告王曰。晉不亡。其君必無後。且呂卻將不

左氏類選卷一

臣道

去

古文

免。王曰。何故。對曰。夏書有之曰。眾非元后何戴。
后非眾無與守邦。在湯誓曰。余一人有辜。無以
萬夫。萬夫有辜。在余一人。在殷庚曰。國之滅。則
維女眾。國之不滅。則維余一人。是有逸罰。如是。
則長眾使民。不可不慎也。民之所急。在於大事。
先王知大事之必以眾濟也。故祓除其心。以和
惠民。考中度衷。以蒞之。昭明物則。以訓之。制義
庶孚。以行之。祓除其心。精也。考中度衷。忠也。昭

明物則禮也。制義庶孚信也。然則長衆使民之道。非精不。非忠不立。非禮不順。非信不行。今晉侯即位而背外內之賂。虐其處者。棄其信也。不敬王命。棄其禮也。施其所惡。棄其忠也。以惡實心。棄其精也。四者皆棄。則遠不至而近不和矣。將何以守國。古者先王既有天下。又宗立上帝。明神而敬事之。於是乎有朝日夕月以教民事君。諸侯春秋受職於王。以臨其民。大夫士日

左氏類選卷一

臣道

六

恪位著以儆其官。庶人工商各守其業。以共其上。猶恐有失墜也。故爲車服旗章以旌之。音謝爲擊幣瑞節以鎮之。爲班爵貴賤以列之。爲令聞嘉譽以聲之。猶有散遷解慢而著在刑辟。音謝流在裔土。於是乎有夷蠻之國。有斧鉞刀墨之民。音謝而況可以淫縱其身乎。夫晉侯非嗣也。而得其位。疊疊怵惕。保任戒懼。猶曰未也。若將廣其心而遠其鄰。陵其民而卑其上。將何以固守。夷執玉卑

替其摯也。贊同拜不稽首。誣其王也。替摯無鎮。誣王。民亦誣之無民。夫天事恒象。任重享大者必速及。故晉侯誣王。人亦將誣之。欲替其鎮。人亦將替之。大臣享其祿。弗諫而阿之。亦必及焉。

劉康公料魯卿休咎外傳周語

定王八年。使劉康公聘于魯。發幣於大夫季文子孟獻子皆儉。叔孫宣子東門子家皆侈。歸王問魯大夫孰賢。對曰。季孟其長處魯乎。叔孫東

左氏類選卷一

臣道

九

門其亡乎。若家不亡。身必不免。王曰。何故。對曰。臣聞之。爲臣必臣。爲君必君。寬肅宣惠。君也。敬恪恭儉。臣也。寬所以保本也。肅所以濟時也。宣所以教施也。惠所以和民也。本有保。則必固。時動而濟。則無敗功。教施而宣。則徧惠以和民。則阜。若本固而功成。施徧而民阜。乃可以長保民矣。其何事不徹。敬所以承命也。恪所以守業也。恭所以給事也。儉所以足用也。以敬承命。則不